

KLUB POSLANIKA U PARLAMENTU FBiH

Broj: 11-03/20

Sarajevo, 23.04.2020. godine

Bosna i Hercegovina
Federacija Bosne i Hercegovine
Parlament Federacije Bosne i Hercegovine
Predstavnički dom Parlamenta Federacije BiH
N/R Predsjedavajućeg Predstavnčkog doma Parlamenta FBiH
Klub SBB-a Predstavničkom domu Parlamenta FBiH

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 23-04-2020			
Org. jed.	Broj	Priloga	Vrijednost
01	-02-	767	120

U skladu sa članovima 184. i 185. Poslovnika o radu Predstavničkog doma Parlamenta FBiH podnosimo amandmane na Prijedlog zakona o ublažavanju negativno ekonomskih posljedica

AMANDMAN I

U članu 2. stav 1. tačka a) iza riječi „udruženja” dodaje se “koja ne obavljaju privrednu djelatnost”. Na kraju tačke a) dodaje se rečenica: “Poslovnim subjektom se smatraju i udruženja koja ostvaruju prihod od privredne djelatnosti i koja plaćaju porez na dobit u skladu sa zakonom.” Promijenjeni Član 2.stav 1. tačka a) sada glasi: a) poslovnim subjektima smatraju se: pravna lica, odnosno privredna društva, izuzev javnih preduzeca, banaka i drugih finansijskih organizacija, udruženja, javnih institucija, organa uprave, organa i jedinica lokalne samouprave, te fizička lica koja samostalno obavljaju registrovanu poslovnu djelatnost isključujući one koji u skladu s propisima o porezu na dohodak, porez na dohodak s tog osnova plaćaju prema pausalno utvrđenom iznosu. Poslovnim subjektom se smatraju i udruženja koja ostvaruju prihod od privredne djelatnosti i koja plaćaju porez na dobit u skladu sa zakonom.

OBRAZLOŽENJE

Prijedlog zakona ne prepoznaje udruženja kao pravne subjekte i izjednačava ih sa javnim preduzećima, javnim institucijama i finansijskim organizacijama što nije u skladu sa praksom, jer postoji veliki broj udruženja u FBiH koja ostvaruju i prihod od orivredne djelatnosti, što je u skladu sa Zakonom o udruženjima i fondacijama FBiH. Jasno je da će se ovo stanje sa pandemijom negativno odraziti i na rad udruženja. Već sada je evidentno da su mnogi projekti i njihov početak finansiranja i realizacije prolongirani. U praksi, institucionalni, pravni i prevashodno poreski sistem u FBiH stavljaju udruženja u istu ravan sa privrednim društvima ne priznajući bilo kakve olakšice u njihovom poslovanju na domaćem tržištu, bez obzira na sve specifikume poslovanja udruženja. To se ogleda i u činjenici da udruženja koja obavljaju privrednu djelatnost imaju iste obaveze u pogledu obračuna i plaćanja poreza na dobit, kao i ostala privredna društva. Stoga, se prijedlog mjera za ublažavanje treba podjednako odnositi na sve subjekte koji obavljaju privrednu djelatnost, uključujući i udruženja. 2 Zbog svega obrazloženog smatramo da je neophodno mjerama za ublažavanje negativnih posljedica,

KLUB POSLANIKA U PARLAMENTU FBIH

prvenstveno pravom na subvencioniranje doprinosa za obavezno osiguranje svakog zaposlenog radnika, utvrđeno članom 4. Zakona, obuhvatiti udruženja.

AMANDMAN II

U članu 12. stav 1.) iza riječi „U periodu dok traje stanje nesreće i 180 dana po prestanku nesreće, propisi donešeni na nivou Federacije kojima je uređeno namjensko korištenje sredstava neće se primjenjivati“, dodati riječi: „osim za projekte koji za cilj imaju pomoć ugroženim kategorijama: osobama sa invaliditetom, osobama sa oboljenjima, korisnicima javnih kuhinja, povratnicima, samohranim roditeljima, starijim osobama, djeci u stanju socijalne potrebe“ Promijenjeni Član 12. stav 1. sada glasi: „U periodu dok traje stanje nesreće i 180 dana po prestanku nesreće, propisi donešeni na nivou Federacije kojima je uređeno namjensko korištenje sredstava neće se primjenjivati osim za projekte koji za cilj imaju pomoć ugroženim kategorijama: osobama sa invaliditetom, osobama sa oboljenjima, korisnicima javnih kuhinja, povratnicima, samohranim roditeljima, starijim osobama, djeci u stanju socijalne potrebe”.

OBRAZLOŽENJE

Posebna zabrinutost se izražava odgodom primjene propisa u okviru kojeg se zaustavlja namjensko korištenje sredstava u periodu trajanja nesreće i 180 dana po njenom prestanku. Mišljenja smo da je ovo posebno opasno za udruženja ili institucije koje za korisnike imaju grožene kategorije: osobe sa invaliditetom, osobe sa oboljenjima, korisnike javnih kuhinja, povratnike, samohrane roditelje, starije osobe, djecu u stanju socijalne potrebe. Ne mora se ni pominjati da postoji veliki broj najranjivijih kategorija stanovništva koji zbog svog stanja ne trpe čekanje i odlaganje brige o njihovom položaju. Posebno su pogođena ona udruženja koja pružaju različite socijalne servise najranjivijim kategorijama stanovništva, kao što su dnevni centri/skloništa/prihvatišta za djecu, žene, stara i iznemogla lica, lica sa invaliditetom i druge marginalizirane grupe. Radi se o uslugama koje u nedostatku državnih servisa isključivo pružaju udruženja.

AMANDMAN III

Član 15. Zakona briše se i glasi:

Propisuje se obavezno zdravstveno osiguranje svim građanima Federacije Bosne i Hercegovine za vrijeme trajanja pandemije, odnosno koje će trajati 30 dana poslije proglašenja završetka stanja prirodne nesreće.

OBRAZLOŽENJE

Svjesni situacije da postoji veliki broj građana Federacije Bosne i Hercegovine koji nemaju zdravstveno osiguranje i koji nisu u mogućnosti platiti troškove liječenja, obavezni smo Zakonom osigurati besplatno liječenje tokom trajanja pandemije, odnosno 30 dana poslije proglašenja završetka stanja prirodne nesreće. Ovim amandmanom želimo naše građane

KLUB POSLANIKA U PARLAMENTU FBiH

osigurati, ponuditi im besplatno liječenje jer ako ih Zakonom ne zaštitimo postoji velika vjerovatnoća da će im kasnije biti ispostvljene fakture za liječenje.

AMANDMAN IV

Član 15. postojećeg Zakona postaje Član 16., a koji glasi:

Ovaj zakon stupa na snagu narednog dana od dana objavljivanja u „Službenim novinama Federacije BiH“

Klub zastupnika u PD PFBiH